

遼

詩

話

遼詩話序

遼自肇基臨潢南有燕雲傳位九世（得蕭韓家奴）非無事蹟可紀而遼史所載文學傳（得蕭韓家奴）等六人文辭之盛遠遜金源余嘗過白溝河嘆其之孱弱經北苑訪蕭后所謂梳粧臺者而喟然於后之被讒乙辛之黜又嘗以事歷邊塞問長春之廢淀弔龍紀之荒城與夫扶餘舊壤東丹故宮寒雨冷烟碑殘石斷欲求移刺遺事無有存者吁可嘆哉海昌周松靄先生著書等身以其餘爲遼詩話博採旁蒐援

據精核詩話上下凡兩卷其采錄諸書凡二百餘則
可謂備矣倘五京人物有如元遺山之徒出於其閒
而博雅如耶律文正先時而生則遼之文章詞藻當
必爛然可觀而資先生之撫拾者更富也顧以其事
寥寥而徵引之博如是獨怪余游踪所至倍於先生
曾不能採金石之志以備掌故而先生於四十年前
早成是書其好學嗜古何可及耶蓋詩話成於乾隆
丁丑己卯閒長洲宗伯沈公爲之序向有刊板旣燬
於火余將勸先生復刊之以行而因爲識數語於首

簡其詳於宗伯之序與先生自序者不贅也
嘉慶丁巳秋日無錫秦瀛序

原序

唐宋元明俱有詩話或專集或散見爲風雅故實惟
五代與遼未備士林有餘憾焉新城王尙書作五代
詩話以授北平黃侍郎岷圃先生先生綴遺補漏纂
輯刊行而遼猶闕如遼自唐季基於朔方雖地處北
鄙文墨非其所尙然享年二百聖與道三宗雅好詞
翰咸通音律有國樂雅樂大樂散樂鏡歌橫吹樂東
丹王倍聚書萬卷平王隆先著有闔苑集文學之臣
若蕭韓家奴耶律昭劉輝耶律孟簡皆淹通風雅特

以詩傳者罕故無人焉爲之援述緒言申譯遺句耳
海寧周生芑今博採羣編凡涉遼詩無不摭入以正
史爲宗以志乘說類爲佐上自宮廷下及謠諺事典
而核語瞻而雅白蕭后文妃之誣著張孝傑趙良嗣
之奸可備勸懲可昭法戒洵一代風雅之故實輔張
舜民使遼錄許亢宗使遼行程記史願亡遼錄之畧
芑今可謂有功遼代者矣昔吾鄉顧太史秀野刻元
百家詩成夢元人之徒俛拜床下芑今詩話流布通
都吾知遼代君臣必有感謝入夢者

乾隆己卯仲春長洲沈德潛題

自序

遼人詩後世無傳於是移刺名流二丹才士與燕雲十六州之文人胥莫能舉其姓氏矣然試觀求草堂之全部誦三蘇之文章其詩人有靈苦心所詣亦復不能盡泯偶仿遂初堂詩話體例刺取正史數十條以羣書附益之殆遺山中州集之次乎

乾隆丁丑冬日松靄周春書

昔王漁洋語汪堯峰云遼以制科取士其間躋政府登膺仕者甚衆而考之列傳自橫帳諸院國舅別部

三族之外其事蹟不少槩見惟文學傳寥寥數人豈
制科之盡不足書耶堯峰答云此史臣失於紀載故
也遼金立國規模不甚相遠而金源人物文章得元
好問劉祁諸君子遂能頡頏宋元之間夫子曰文獻
不足杞宋無徵正謂是歟余向因二公之論輯遼詩
話顧闕漏頗多數年來復加增訂標所引書目析爲
兩卷庶燦然而可觀惜不使兩先生見之且爲遼朝
人士一雪此言也元至正間命儒臣歐陽元揭傒斯
張起巖等修宋遼金三史惟遼史最爲簡潔有法茲

余所採以史爲主而說部地志之屬佐焉凡事與遼
涉及後人賦遼事者悉行附載取其足與正史相發
明亦裴松之國志注例也就中頗示褒貶垂勸戒豈
徒誇廣見而侈異聞哉歸愚宗伯許其有功遼代而
君臣必有感謝入夢者余深媿斯言蓋終未能如秀
野草堂之元詩表章殆盡毫髮無遺憾耳漁洋五代
詩話自謂未成之書余記冊府元龜中可採入者尙
有十餘條漁洋以爲必無可採不復繙閱籤記孰知
其竟不然然則著書談何容易因以思是編之疎略

詎能免世之指摘乎拾遺糾繆是所望於後人

乾隆壬午孟秋旣望內樂村農周春菴分甫又書

題辭

真冷朝定泣同仇割取燕雲十六州識得仲先詩句
妙草堂遺稿始搜求

黃麝飲血獵初回乳酒頻傾琥珀杯城外花園遺堞
在闕支歌舞納涼來

感策琵琶唱鷓鴣涿州沙上月模糊擊毬朗誦蘄春
集素扇題詩出六符

亦知諷諫重香山大字還聞譯二丹舞罷銀貂賜金
帶樂歌親製和應難

校獵黃花賦射熊元和試士襲華風鹿圖千角酬飛
白傳示中朝徧六宮

御膳毘狸是席珍夜筵拜洗北來人尙書辨鳩通遼
語聖壽如嵩頌使臣

鑿巫閭上放鷹歸八表同風御藻揮碎翦金英吹不
去菊花填句雨初飛

伊遜懷讒貝錦多破遼有鬼渡遼河桑乾遺璽雲中
亂世業其如祖詠何

萬幘千廬月似波頭魚宴罷更頭鷺羅衣輕學黃幡

綽齊唱蓬蓬扣鼓歌

四時琮鉢振天威
殪虎秋山漫賦詩
五个翁翁都瞋
睡林牙憂國淚空垂

洗妝樓傍舊蓮池
金縷香殘譜十眉
諫獵一書陳永
巷霜飛白練結相思

瑟瑟傷時憫直臣
燕雲夕枕暗紅塵
白頭宮監譚遺
事怨氣難銷廢苑春

建國東平恨徙居
數峯拳石壓穹廬
大山無力乘桴
去望海堂中萬卷書

水濱修禊興超超援筆詩成壓衆僚遷客得霑天雨
露妄傳闕事紀焚椒

紫濛館畔瑣窗青應對皇華誦茯苓解道二蘇文字
好龍荒刻石驗圖經

獵取西樓竝轡馳故宮禾黍不生悲釀成邊釁傾宗
社枉咎降人郭藥師

拋離火宅得元丹泰華終南鍊玉顏世外神仙方外
友還金高詠在人間

忘言居士謝登科移刺名流唱和多不屑蘭臺鈔舊

史陳編坐撫惜蹉跎

降虎太師勇無敵封侯不羨飛將軍祇今漆水秋風
吼張呂鴻篇憶舊聞

懷歸未得脫幽燕遙望雉原沐水邊舊館玉堂珍玩
在故應小集號丁年

書嚴國禁少流傳手鑑家藏似玉編梵覺丹經相繼
出分頒夏國與子闡

如來變相玉觀音文館公卿答梵吟書篆苾蕪孟哥
刻灤河文物發幽沈

唐宋元明著述賒未聞耶律選名家廣搜志乘哀盈
帙遼海彰成五色花

遺山絕句阮亭繼千古風騷得尙論正爲遼人留缺
陷把君詩話勝璵璠

余近作論詩絕句自唐迄明五百餘首獨於遼有
抱殘守缺之憾得松靄先生詩話裨我良多因題
絕句二十四首

蘇潭謝啟昆書

增訂遼詩話卷上目錄

聖宗 四則

興宗 三則

道宗 八則

天祚帝 一則

懿德皇后蕭氏 七則

文妃 二則

東丹王 胡璜胡虔
三則

平王隆先 一則

寧王長泓 一則

韓延徽 一則

馬得臣 一則

李澣 五則

耶律某 一則

蕭勞古 一則

耶律學古 一則

蕭柳 一則

蕭孝穆 一則

蕭八撒 一則

劉經 一則

張儉 一則
呂德懋

杜防 一則

李宣仲 一則
張希顏

耶律資忠 三則
兄國留

蕭韓家奴 一則

耶律庶成 一則

耶律庶箴 二則
子蒲魯

楊哲 一則

楊佶 一則

張昱 一則
韓藥

張人紀 一則
趙曉

耶律韓留 一則

蕭鐸盧幹 一則

耶律陳家奴 一則

劉三嘏 二則
弟六符

李儼 一則

王師儒 一則

耶律谷欲 一則

耶律良 一則

馮立 趙徽 一則

王鼎 二則

馬堯俊 一則

王仲淵 一則

耶律孟簡 二則

耶律儼 一則

蕭蒲商 一則

成堯錫 一則

馬希白 一則

孟初 一則

南抃 一則

王白 一則

耶律純 一則

左企弓 一則

馬賢良

一則

王樞

一則

盧仲文

一則

張通古

一則

劉霄

一則

時立愛

一則

魏道明

四則

張孝傑

一則

趙良嗣

二則

邢簡妻陳氏

子抱朴抱質
二則

耶律氏

一則

燕軍士妻

一則

遼詩話卷上

海寧周春范今輯

聖宗

聖宗幼喜書翰十歲能詩既長曉音律好繪畫

史尤

喜吟詩出題詔宰相以下賦詩詩成進御一一讀之

優者賜金帶又御製曲五百餘首又親以契丹大字

譯白居易諷諫集詔諸臣讀之

契丹國志

統和十五年蕭撻凜平敵烈部因討阻卜之未服者
諸蕃歲貢方物充於國庫自後往來若一家焉上賜

詩嘉獎仍命林牙耶律昭作賦以述其功

史

雄州安撫都監稱宣事云遼人好樂天詩聞遼主有

詩云樂天詩集是吾師

古今詩話

仁宗朝有使遼者見遼主傳國璽詩云一時製美寶
千載助興王中原既失鹿此寶歸北方子孫宜慎守

世業當永昌

孔平仲珩
橫新論

興宗

興宗好儒術通音律重熙五年四月幸后弟蕭無曲
第出水泛觴賦詩九月獵黃花山獲熊三十六賞獵

人有差十月幸南京御元和殿以日射三十六熊賦
幸燕詩試進士於廷帝幸禮部貢院及親試進士皆
張儉發之進見不名賜詩褒美

史

施宜生邵武人宋潁州教授以罪北走仕金試
一日獲三十六熊賦擢第一

金

宜生改姓名方

人也賦破題云雲屯八百萬駟日射三十六熊

貴耳集

案爾時御試初開又復親幸貢院故

百年之久尙傳其威而海陵亦以此命題程史
謂海陵校獵亦獲熊三十六非也又張端義不
知實有此事以熊爲射侯而非獸尤誤

翰墨大全施宜生試日

射三十六熊賦爲狀元

我邑查德尹侍講燕京雜詠云紫濛川外月初

寒隊隊銀貂小契丹不射黃羊調酪酒傳分三

十六熊躡查浦詩鈔

六年六月賜南院大王耶律和覲袞命上親為製詩

詞並賜詩以寵之七月以皇太弟重元生子賜詩及

寶玩器物二十四年二月召宋使釣魚賦詩全上

北樞密使蕭惠請老封魏國王既歸遣賜湯藥及他

賜賚不絕生日輒賜詩以示尊寵全上

興宗以五幅縑畫千角鹿圖獻於宋旁題年月

日御畫宋仁宗命張圖於大清樓下召近臣縱

觀次日又勅中闈宣命婦觀之畢藏於天章閣

圖畫見
閣志

宗真嘗以所畫鵝雁來獻上作飛白書

答之

續通鑑
長編

帝善丹青嘗以所畫鵝雁送宋朝

點綴精妙宛乎逼真仁宗作飛白書以答之

契丹

國志

道宗

清寧二年二月以興宗在時生辰宴羣臣命各賦詩
三月御製放鷹賦賜羣臣諭任臣之意三年八月帝

以君臣同志華葵同風詩進皇太后六年五月監修

國史耶律白請編次御製詩賦仍命白爲序

史

咸雍元年十月幸盤巫闍山皇太后射獲虎大宴羣

臣令各賦詩

全

大安元年嘗賜詩褒北院樞密副使耶律幹特刺

全

相臣李儼嘗作黃菊賦以獻道宗作詩題其後以賜

之曰昨日得卿黃菊賦碎翦金英填作句袖中猶覺

有餘香冷落西風吹不去

老學庵筆記
齋閑雅錄宣和

侯延慶退

邢州嘗接遼使李處能故相李某之子號李狀元家
燕人之最以學者處能謂遠云本朝道宗皇帝好

文先人每荷異眷嘗於九日進
菊花賦次日賜批答一絕句

遼主得其臣所獻黃菊賦題其後

云

元張肯繼孟

隲括其辭寄蝶戀花曰昨日得卿黃菊賦細剪金英
題作多情句冷落西風吹不去袖中猶有餘香度滄
海塵生秋日暮玉砌雕闌木葉鳴疎雨江物白頭心
更苦素琴猶寫幽蘭譜

純獻
詞話

案詞載華亭錢舍人詞話蓋繼孟手書也夢庵
填詞想亦依據放翁耳

法均

史作
鈞

族里失詳清寧中被徵較定諸家章抄歸

隱馬鞍山咸雍間遼主渴思一見待以師禮授榮祿

大夫并傳戒大師之號寵以詩章有行高峯頂松干

尺戒淨天心月一輪之句

釋明河補續高僧傳

碑銘王禹撰并書 大安師

七年建咸雍中賜號普賢仍賜宸什

咸雍四年二月頒行御製華嚴贊八年七月以御書

華嚴經五頌出示羣臣 史

呂大防館伴契丹使其使點語頗及朝廷大防密植

其隱事詰之曰北朝試進士至心獨運賦不知此題

於書何出使錯邊不能對自是不敢復出媿詞 宋史

案遼人著述既少復不流傳其釋道二家書見於史者有聖宗統和七年于闐國張文寶進內丹書道宗咸雍三年夏國進回鶻僧金佛梵覺經太康十年詔僧善智讐校高麗所進佛經頒行壽隆元年十一月夏國進貝多葉佛經並佚無考今釋藏內有大契丹國師中天竺摩竭隨國三藏法師慈賢譯經四種共八卷

天祚帝

遼道宗喜作字秦越大長公主捨棠陰坊第爲大昊

天寺帝爲書碑及額今在燕京舊城

案墨池編以爲元碑誤胡文煥

古今碑帖考已辨正

末帝亦能書嘗奉道宗敕寫尙書五子之

歌書史會要

懿德皇后蕭氏

后小字觀音樞密使蕭惠之女以重熙九年五月五

日生姿容端麗爲蕭氏首能歌詩彈箏琵琶尤爲當

時第一

史姿容冠絕工詩善談論自製歌詞尤善琵琶

清寧元年冊爲皇后

方出閣升座扇開簾捲忽有白練一段自空吹至后
褥位前上有三十六三字后問此何也左右曰此天

書命可敦領三十六宮也后大喜宮中爲語曰孤穉
壓帕女古鞞菩薩喚作耨幹慶蓋以玉飾首以金飾
足以觀音作皇后也

焚椒錄

二年八月上獵秋山后率妃嬪從行在所至伏虎林
命后賦詩后應聲曰威風萬里壓南邦東去能翻鴨
綠江靈怪大千俱破膽那教猛虎不投降上大喜出
示羣臣曰皇后可謂女中才子次日上親射獵有虎
突林而出上曰朕射得此虎可謂不愧后詩一發而

殪羣臣皆呼萬歲

全上

三年秋上作君臣同志華爨同風詩后應制屬和曰
虞廷開盛軌王會合奇琛到處承天意皆同捧日心
文章通谷蠡聲教薄雞林大寓看交泰應知無古今

上全

后常慕唐徐賢妃行事每於當御之夕進諫得失國
俗君臣尚獵故有四時棕鉢上旣擅聖藻而尤長弓
馬往往以國服先驅所乘馬號飛電瞬息百里常馳
入深林邃谷扈從求之不得后患之上疏諫獵秋山
上雖嘉納心頗厭遠咸雍之末希得幸御后因作詞

曰回心院被之管弭以寓望幸之意其詞曰埽深殿
閉久金鋪暗游絲絡網塵作堆積歲青苔厚階面埽
深殿待君宴拂象床憑夢借高唐敲壞半邊知妾卧
怡當天處少輝光拂象牀待君王換香枕一半無雲
錦爲是秋來轉展多更有雙雙淚痕滲換香枕待君
寢鋪翠被羞殺鴛鴦對猶憶當時叫合歡而今獨覆
相思塊鋪翠被待君睡裝繡帳金鈎未敢上解却四
角夜光珠不教照見愁模樣裝繡帳待君貺疊錦茵
重重空自陳只願身當白玉體不願伊當薄命人疊

錦茵待君臨展瑤席花笑三韓碧笑妾新鋪玉一牀
從來婦歡不終夕展瑤席待君息別銀燈須知一樣
明偏是君來生彩暈對妾故作青熒熒剔銀燈待君
行薰薰爐能將孤悶蘇若道妾身多穢賤自沾御香
香徹膚薰薰爐待君娛張鳴箏恰恰語嬌鶯一從彈
作房中曲常和窗前風雨聲張鳴箏待君聽

全上

時諸伶無能奏演此曲者獨伶官趙惟一能之耶律
乙辛因誣后與惟一通欲乘此害后更命他人作十
香淫詞爲誣案云青絲七尺長挽作內家裝不知眠

枕上倍覺綠雲香紅綃一幅強輕闌白玉光試開胸
採取尤比顫酥香芙蓉失新艷蓮花落故粧兩般總
堪比可似粉腮香螿蟻那足並長須學鳳凰昨霄歡
臂上應惹領邊香和美好滋味送語出宮商定知郎
口內含有煖甘香非闕兼酒氣不是口脂芳却疑花
解語風送過來香旣摘上林蕊還親御苑桑歸來便
携手纖纖春筍香鳳鞞拋合縫羅鞞卸輕霜誰將煖
白玉雕出軟鈞香解帶色已戰觸手心愈忙那識羅
裙內消魂別有香咳唾千花釀肌膚百和裝元非嗽

沉水生得滿身香

全上

乙辛既造十香詞陰使宮婢單登

本重元家婢亦善箏及琵琶每與惟

一爭能怨后不知已乃召登對彈四且二十八調皆不及登媿恥拜服

乞后手書給后

曰此宋國忒里塞所作更得御書便稱二絕后讀而

喜之既爲手書一紙紙尾復書已所作懷古詩一絕

云宮中只數趙家妝敗雨殘雲悞漢王惟有知情一

片月會窺飛燕入昭陽乙辛得書以爲早晚見其白

練挂粉脰也遂構詞命登等

史又有教坊朱頂鶴

陳首以十香

詞爲証乙辛乃密奏之上大怒命張孝傑與乙辛窮

治其獄獄既具上猶未決指懷古一詩曰此是皇后
罵飛燕也如何便作十詞孝傑進曰此正皇后懷性
一耳上問曰何以知之孝傑曰宮中只數趙家妝惟
有知情一片月二句中包趙惟一三字也上意遂決

赦后自盡

全上

后自盡時乞更面可汗一言而死不許乃望帝所而
拜作絕命詞曰嗟薄祐兮多幸羞作儷兮皇家承昊
穹兮下覆近日月兮分華托後鉤兮凝位忽前星兮
啟耀雖覺累兮黃牀庶無罪兮宗廟欲貫魚兮上進

乘陽德兮天飛豈禍生兮無朕蒙穢惡兮宮闈將剖
心以自陳冀迴照兮白日寧庶女兮多慚遏飛霜兮
一擊顧子女兮哀頓對左右兮摧傷共西耀兮將墜
忽吾去兮椒房呼天地兮慘悴恨今古兮安極知音
生兮必死又焉愛兮日夕遂閉宮以白練自經年三
十有六正符白練之數聞者莫不寃之

全上 便乾
統初追諡宣

懿皇后合
葬慶陵

案焚椒錄題大遼觀書殿學士王鼎謹述其書
真偽不可辨今稍爲芟節擇其雅馴者存之

仁和杭葦浦太史遼宮詞云深禁沈沈玉漏長
牙牀猶是待君王迴心院冷琵琶寂宮婢偷閒

寫十香

補史亭
贖稿

南康謝韞山方伯詠史詩云孰按琵琶譜十香
宮中才子女中王知書玉貌終非福度曲金鋪
祇自傷別殿椒風燕水恨入簾壁月趙家妝千

秋疑事回心院啼語惺惺夜漏長

樹經堂
詩集

文妃

文妃蕭氏

葉志作渤海大氏女

小字瑟瑟幼選入宮聰慧閑雅

遼詩話卷上

十一 藏修書屋

工文墨善詩歌天祚卽位冊爲文妃見金師侵迫而
天祚畋遊不悛忠良踈斥作歌以諷云莫一作句嗟塞

上兮暗紅塵勿傷多難兮畏邊人不如塞却一無却字姦

邪之路兮選取賢臣直須卧薪而一無而字嘗膽兮激壯

士之捐身便一無便字可以朝清漠北一作沙漠兮夕枕燕雲

詞多不備載其譏切不避權貴如此史系契丹國志

案葉隆禮契丹國志所載與此小異蓋史家以

元詞涉俚故潤色之

又作詠史詩云丞相朝來劍佩鳴千官側目一作欄目寂

無聲養成外患

一作寇盜

嗟何

一作謀將

及禍盡忠良罰不明

一作諫

親戚並

一作盡

連居

一作藩屏

一作翰

位私門潛蓄

爪牙兵可憐往代

一作一世

秦天子枉

一作猶

向宮中望太

平天祚見而啣之後爲奉先所誣賜死

契丹國志

一作依趙德

詩侯
鷓錄

案此與前首史中俱作騷體增入兮字題曰其

二今依葉志爲七律而題曰詠史以律體差勝

也

東丹王 胡環胡虔

東丹王倍小字圖

五代史作宏

欲太祖長子也幼聰敏好

學太祖破渤海大譚譔改其國曰東丹以倍爲人皇

王主之建元甘露太祖將還倍作歌以獻後讓位德

光德光旣立見疑以東平爲南京徙倍居之置衛士

陰伺動靜倍旣歸國命王繼遠撰建南京碑起書樓

於西宮作樂田園詩唐明宗聞之使人跨海持書密

招倍倍立木海岸刻詩曰小山壓大山大山全無力

羞見故

松漠紀聞作常

鄉人從此投外國携高美人載書浮

海而去唐明宗賜姓東丹名慕華復賜姓李名贊華

倍初市書至萬卷藏於鑿巫閭絕頂之望海堂通陰陽知音律精醫藥砭焮之術工遼漢文章嘗譯陰符經善畫本國人物如射騎獵雪騎千角鹿圖皆入宋秘府

史江少虞皇宋事實類苑東丹王能爲五言詩其子兀欲亦善丹青

祕閣有李贊華畫鹿角直而岐出若斜藤相扶而生長三倍其身觶觸門立羣角森列故畫錄號千角鹿其實則角上橫出者衆也余謂邪希有鹿兩頭而角且千雲南郡有神鹿一身二頭而角衆列合浦有鹿額帶斜藤一枝四條直上

各丈餘人以爲角條支桃杖一角者爲天祿兩角者爲辟拔道書有五頭鹿其角且十皆古之

異鹿也此畫得之殆爲瑞應而出即

李廌畫品

東丹王嘗買巧石數峯目爲空青府

清異錄

胡瓌山後契丹人善畫蕃馬用狼毫製筆疏渲驂尾細紮有力其體狀富於精神觀者以爲不減東丹王也王得馬骨瓌得馬肉有射雕啗鷹等圖傳於世子虔畫有父風

五代名畫補遺
參牛散齋評

元丁立題瓌瘦馬圖云

渥洼此去幾萬里荒草黃雲連白沙到得李陵臺下

日暖風開遍地椒花

會稽外史集

貝瓊題虔雪獵圖云北

風颭颭大雪濕越塹凌罔馬蹄急弓開滿月不虛發

赤豹黃罷號且泣日暮兩狼歸掛鞍燕支勸酒左右

彈一時快意良不惡金刀割鮮行玉盤

清江集

案遼時尙有耶律題子字勝隱耶律襄履字海

鄰並工寫真

見史本傳

陳升聖宗時翰林待詔奉詔

寫南征得勝圖於上京五鸞殿盧寶興宗近侍

小底僞學御畫免死配役終身

並見史本紀

蕭融官

至南院樞密使好讀書尤善丹青慕唐裴寬邊

鸞之蹟凡奉使入宋者必託購求不惜重價裝

潢携歸本國臨摹咸有法則道宗清寧中以義

宗千角鹿圖賜焉

見繪事備考

布衣常思言善畫山

水林木求之者甚衆

見郭若虛圖畫見聞志

吳九州燕人

善畫鹿窮盡鹿態

見鄧椿畫繼

以上並有畫名故附

載之

平王隆先

隆先字團隱東丹王子也爲人聰明博學能詩有闔

苑集行於世

史

寧王長沒

長沒字和魯堇妃甄氏所生世宗第三子敏給好學通契丹漢字能詩保寧八年奪爵貶烏古部賦放鶴詩徵還統和九年應太后命賦移芍藥詩史

韓延徽

延徽字藏明幽州安次人爲劉守光聘契丹不屈見留太祖召與語合上意立命參軍事居久之慨然懷其鄉里賦詩見意遂亡歸唐旣而復歸契丹賜名匡列遼言復來也仕至南府宰相封魯國公爲佐命功

臣之一史

馬得臣

得臣南京人好學博古善屬文尤長於詩仕至翰林
學士承旨贈太子太保史

案遼文士載於史冊不專以詩名者如張礪磁
州人後唐翰林學士歸遼太宗見其剛直有文
彩擢承旨室昉字夢奇南京人幼謹厚篤學不
出戶外者二十年會同初登進士第官至宰相
監修國史蕭朴字延寧勞古子也幼如老成及

長博學多智官至南院樞密使封魏王烏呂不
字紹隱嚴重有膂力善屬文以功爲東路統軍
都監耶律敵烈字撒懶好學工文詞官至節度
使劉伸字濟時宛平人少穎悟長以辭翰聞重
熙五年登進士第官至上京留守王觀南京人
博學有才辨重熙七年中進士乙科官至參知
政事並有傳耶律昭字述寧博學善屬文坐兄國
留事沅西北部劉輝好學善屬文太康五年第
進士官太子洗馬以賢良對策擢史館修撰昭

並文
學傳馬人望字儼叔穎悟幼孤長以才學稱咸

雍中第進士爲令治不優吏民畏愛官至守司

徒兼侍中卒諡文獻王棠涿州新城人博古善

屬文重熙一五年擢進士鄉貢 部廷試對皆

第一拜南府宰相人望棠並
能吏傳以上諸人雖不明

言能詩亦必從事吟詠而大抵湮沒矣

李澣

澣全唐詩
作澣仕晉爲中書舍人歸遼授翰林學士累遷

工部侍郎澣兄濤在汴爲翰林學士密遣人召澣澣

道歸至涿爲徵巡者所得送南京下吏帝欲殺澣高
勳救止之帝怒稍解仍禁錮奉國寺會欲建太宗功
德碑勳奏曰非李澣無可秉筆者詔從之文成以進

上悅釋囚加禮部尙書宣政殿學士

忠 宋史澣字
日新幼聰敏慕

王陽盧駱爲文章契丹入汴
澣與同職徐台符俱陷塞北

五代李濤與弟澣俱負才望澣仕石晉爲內相耶律

德光犯京師俘之以歸後仕契丹通顯有小集十卷

揮摩
後錄

李澣登科在和凝榜下同爲學士會凝作相澣爲承

旨當批詔次日於玉堂舊閣悉取圖書器玩留一詩於榻云座主登庸歸鳳闕門生批詔立鼇頭玉堂舊館多珍玩可作西齋潤筆否人皆笑其踈縱

玉壺清話

李氏小集十卷李澣晉末人陷契丹以遼世宗年號

名集

通志藝文畧

案宋志有李瀚丁年集十卷當卽是書蓋取李少卿書中語其弟以典屬國相况也

瀚娶竇尙書女年甲稍高成婚之夕竇氏出參瀚之兄濤濤輒望塵下拜又叉手當胸作歇後語曰慙無

竇建繆作梁山聞者莫不絕倒

五代史補

耶律某

參丹多有文籍亦以文雅相尙王矩爲工部郎中本燕人爲契丹將耶律忘其名掌書記常從其出入耶律兄及其兄之子太平興國中戰沒於邊郡後耶律經舊戰處覽其遺跡作詩矩記其兩句云父子盡從蚍陣沒弟兄空望雁門悲

宋荅公編楊文公談苑

蕭勞古

勞古國舅少父房之族以善屬文爲聖宗詩友

史

耶律學古

學古字乙辛隱穎悟好學工譯鞮及詩以功爲惕隱
與

蕭柳

柳字徒門多智能文膂力絕人嘗伐宋爲先鋒柳好
滑稽雖君臣燕飲詼諧無所忌時人比之俳優耶律
觀音奴集柳所著詩千篇目曰歲寒集

蕭孝穆

孝穆廉謹有禮法官宰相樞密使封燕秦吳楚齊國

王雖椒房親位高益畏所薦拔皆忠直士時 爲國

寶臣目所著文曰寶老集

史

蕭八撒

重 六年六月興宗酒酣賦詩吳國王蕭孚穆北府

宰相蕭八撒等皆屬和夜中乃罷

史

案八撒未詳其人封齊王者名撒八乃孝穆子
又未嘗爲北府宰相別是一人也

劉經

一作京

經爲政事舍人來奉使路中有野韭可食味絕佳作

詩云野韭長猶嫩

一作寒逾長

沙泉淺

一作晚

更清

談苑宋史藝

文志劉京

集四十卷

張儉

呂德懋

陳昭衮小字王九雲州人工譯鞮勇而善射掌圍塲
事開泰五年秋大獵帝射虎以馬馳太速矢不及發
虎怒奮勢將犯蹕左右辟易昭衮捨馬捉虎兩耳騎
之虎駭且逸上命衛士追射昭衮大呼止之虎雖軼
山昭衮終不墮地伺便拔佩刀殺之輦至上前慰勞
良久卽日設燕悉以席上金銀器賜之特加節鉞遷

園場都太師賜國姓命儉及呂德懋賦詩以美之

史

儉宛平人統和十四年舉進士第一官至左丞相太師中書令加尙父封韓陳南國王薨年九十一

十一史

金李俊民遼漆水郡王

陳仲和之遠祖

降虎詩云秋風

漸高秋草衰空山校獵千騎圍突然有物勢鷲
猛萬里侯相食肉肥橫行妥尾不畏逐挾乙似
有百步威當時扈從懦於鼠雖欲下車人共非
將軍一奮躍身出氣雄志勇捷若飛攘臂博虎

虎負去須臾掇皮擒虎歸北方銳兒皆好武無
愧匹馬及短衣聲名赫赫振前古欲笑馮婦膽
力微胙田命氏恩澤異至今漆水生光輝君不
見射石李廣一箭亦可喜死不封侯知者希又
贈陳仲和并序仲和故遼降虎大師之後以膺
補官累階三品喪亂之際相會
於山陽年六十有二手持數
珠日誦佛書不輟眞髮僧也云百年浮世落花

風漆水榮華一夢空拈起數珠都忘却大千世

界入圓融

莊靖先
生集

余舊有陳昭衮捉虎歌附錄於下 揚旗大獵

狐兔驕猛虎突起頭尾搖天馬追風控弭緩紉
軍十萬爭謹囂圍塲虎斯陳王九氣已吞虎身
輕跳中士捉耳耳帖伏奮騎背上將鬚擦大呼
不煩弩機發與虎低昂秋山椒乘間拔刀魄
落地稚魯直前何雄驍都太師佩杓窠印鷺魚
賜宴晨趨朝黃花射熊三十六何似一虎功尤
超舔鹹之鹿百千羣輦來敢復誇肥臙從此尪
臙盡遠跡松漠四樓常逍遙張呂作詩雖散佚
姓名早見林牙標惜哉不遇東丹手金題玉躔

傳西遼

杜防

防涿州歸義人擢進士甲科官至右丞相加尙父重
熙二十一年秋祭仁德皇后詔儒臣賦詩防爲魁賜
金帶史

李宣仲 張希顏

宣仲

官知冀州軍事判官文
林郎試秘書省校書郎

盤山祐唐寺勗建講堂

碑

統和四年四月
立沙門德麟書

銘云峭壯靈峰勗興華宇式開講

肆用陳法侶物置人多利圓三寶庶幾乎作善之祥

傳名曠古

盤山志

重熙年重修法華寺

在固安縣東二十五里

募緣碣

大遼國燕

京涿州固安縣萬春鄉皇臺里鄉貢進士張希顏述將仕郎試太子正字前守涿州司法參軍張鞏

書

有云時遷歲暮墮殘蟬竦之梁雨壞風摧

打碎鴛鴦之瓦又云若抽鴛眼之資必值龍華

之會

固安縣志

案宣仲與希顏碑辭頗工想當時號爲文士者也銘雖非詩亦屬韻語故采之而以駢體附焉又卽律魯不古字信寧官林牙監修國史突呂

不字鐸衮由文班林牙官至特進檢校太尉二

人並贊成太祖製契丹國字者又甄后

世宗妃廟

碑翰林學士李昉撰雲居寺

在房山縣

石經道宗皇

帝所辦大碑一百八十片通理大師所辦小碑

四千八十片燕京仙露寺葬舍利佛牙石匣記

天祿三年講經律論大德志願錄并書廣濟寺

佛殿

在寶坻縣記一名透靈碑

銀青榮祿大夫檢校司徒

宋璋撰龐可昇正書太平五年立重修獨樂寺

在薊州

碑翰林學士承旨劉成撰統和四年立涿

州白帶山雲居寺碑統和二十三年鹽鐵判官

朝議郎行右補闕賜緋魚袋王正述鄉貢進士

鄭熙書并篆額採魏院

在燕京

石塔記沙門如正

述景福元年建佛殿

在寶坻縣

碑檢校司徒儒州刺

史上柱國廣平縣開國男宋璋撰重熙五年立

奉福寺佛頂尊勝陀羅尼幢記清寧九年講僧

真延撰并書華黎莊木塔記乾統五年監察御

史張軫檢校國子祭酒石恕二人書

未詳撰人

雲居

寺續鐫四大部經記大契丹清寧四年殿試進

士趙懷仁撰

未詳書人

偏梁亭

在樂州

記乾統元年柳

城張子口撰

未詳書人

重修雲居寺記沙門智光撰

乾統乙巳立大師塔碣奉聖州司候判官給事

中試太子校書郎騎都尉蔡彥咨立

在固安縣

有進

士焦山等題字天慶元年建大遼涿州涿鹿山

雲居寺續秘藏石經記

後有目錄

天慶八年懋題沙

門志才撰

未詳書人又古佛舍利塔碑 蘇記天

記保寧元年

建釋迦佛舍利鐵塔記重熙十五年

年刻板

在雲居寺 尼幢重熙十七年立金鵲廟

在石幢大安 立駐蹕寺沙門奉航塔記壽昌八年立報國寺

尊勝陀羅尼幢乾統三年立歸依寺姪縣幢天
慶七年立西望山宣舍利碑遼御史大夫李
內貞墓誌離駘以上以其能善書者備載於
撰文書石並未詳其人

此

己酉季冬觀錢宮詹竹汀金石文跋尾及錢宗
伯穉石詩集又得遼碑向所未採者并錄於下

白川州

在興中故
城東北

佛頂尊勝陀羅尼幢記長寧

軍節度掌書記儒林郎試大理評事武騎尉王

桂撰

書人
闕

開泰中立安德州

在興中故
城東南

叔建靈

巖寺碑壽昌初元朝請大夫守殿中少監知安

德州軍州事耶律劭撰文沙門恒劭正書

碑陰恒劭

撰文劭篆書

易州興國寺太子誕聖邑碑壽昌四年

沙門方偁撰文范陽逸士張雲書天寧寺

在廣寧門

外外 陞羅尼幢重熙十七年前閣門祇候文詠魯

王府隨軒掌書記文昌爲父母立釋迦佛舍利

鐵塔記

在興中故城址

重熙十五年

未詳撰入

釋迦定光二

佛的身舍塔記

在鐵塔記傍

天慶二年釋慧材撰文

憫忠寺觀音菩薩地宮舍利函記大安十年歲

次甲戌閏四月辛未朔二十二日壬辰甲時

撰人

書人並未詳。金石文跋尾子頃遊馬鞍山戒壇寺見遼學士王鼎撰法均禪師碑後題乾時又石幢二皆遼時刻一題庚時一題坤時潭柘山有了公禪師塔銘金太定中刻亦題庚時今此記稱甲時蓋遼金石刻之文多作斯語以甲乙丙丁庚辛壬癸乾坤艮巽代十二支也

遼史紀年祇有壽隆而無壽昌今碑書隆作昌

未得其詳也

日下舊聞

案洪遵泉志有壽昌元寶錢

注引李李興東兆諸蕃樞要曰契丹主天祚年號壽昌北遼通志曰天祚卽位壽昌七年改爲

乾統今余所收古錢有重熙清寧太康太安壽昌

乾統天慶諸品可以證史之疎矣

又案契丹國志道宗紀年

有壽昌無壽隆道宗大安十一年改元壽昌壽昌七年天祚卽位改元乾統泉志所引誤也

耶律資忠

兄國留

資忠字沃衍博學工詞章年四十未仕聖宗知其賢
召補宿衛眷遇日隆每懷君親輒有著述號西亭集
帝與羣臣宴時一記憶曰資忠亦有此樂乎官林牙
知惕隱事終昭德軍節度使

史

雅里

天祚第
二子

每取唐貞觀政要與林牙資忠所作治

國詩令侍從讀之

全上

資忠兄國留善屬文聖宗重之爲太后所殺人多冤
之在獄著兔賦寤寐歌爲世所稱

全上

蕭韓家奴

韓家奴字休堅，涇刺部人。少好學，弱冠入南山讀書，博覽經史，通遼漢文字。官彰愍，官使興宗與語，才之。命爲詩友，嘗從容問曰：「卿居外，有異聞乎？」對曰：「臣惟知炒栗，小者熟則大者必生，大者熟則小者必焦，使大小均熟，始爲盡美。不知其他。」蓋嘗掌栗園，故託栗以諷諫。帝大笑，詔作四時逸樂賦。帝稱善，擢翰林都林牙，兼修國史。自是日見親信，每入侍，賜坐，遇勝日，帝與飲酒賦詩，以相醕酢。雖諧謔，不忘規諷。拜歸德。

通言詩卷一
三
軍節度使召修國史卒年七十二有六義集十二卷
行於世史

耶律庶成

庶成字喜隱幼好學書過目不忘善遼漢文字於詩
尤工重熙初累遷樞密直學士與蕭韓家奴各進四
時逸樂賦上嗟賞有詩文及譯方脉書行於世史

耶律庶箴

子蒲魯

庶箴字陳隱庶成弟也善屬文官都林牙嘗寄誠諭
詩與子蒲魯蒲魯答以賦眾稱其典雅史

蒲魯字乃展幼聰敏好學七歲能誦契丹大字習漢
文未十年博通經籍重熙中舉進士第三主文以國制
無契丹試進士之條聞於上以庶箴擅令子就科目
鞭之二百尋爲牌印郎君應詔試詩立成以進帝嘉
賞顧左右曰文才如此必不能武事蒲魯奏曰臣自
蒙義方兼習騎射在流輩中亦可周旋帝未之信會
從獵發三矢中三兔上益奇之轉通進

全上

楊皙

皙字昌時安次人幼通五經大義聖宗聞其穎悟詔

試詩授祕書省校書郎擢進士乙科仕至宰相號密

使封遼西郡王

史

案東安志哲墓土人呼爲楊大王墓墓有碑當
訪求之

楊佖

佖字正叔南京人幼穎悟異常讀書自能成句弱冠
聲名藉甚統和二十四年舉進士第一累遷翰林學
士文章號得體宋遣梅詢賀千齡節詔佖迎送多唱
酬詢每見稱賞後居相位致仕卒有登瀛集行於世

史
宋史藝文志
楊佖登瀛集五卷

案遼時狀元有高正鄭雲從石用中王熙載呂

德懋王用極張儉陳鼎楊文立初錫南承保邢

祥

凍水絕聞
祥賜鐵券

李可封楊佖史克忠劉二宜南作

高

承顏
以上統
和年

史簡鮮于茂昭張用行孫傑張

克儉張仲舉

以上開
泰年

張漸李炯

太平七年楊又
元邢祥知貢舉

狀元

張宥劉貞

以上太
平年

劉師貞

太平十一年劉
貞重熙元年劉

師貞

並五十
七人恐有誤

邢彭年王寶王棠

重熙十九年殿
試進士狀元缺

重熙年

以上

張孝傑梁援王鼎

以上清
寧年

張臻趙庭睦

咸雍十年親出題試進士
狀元缺 以上咸雍年
劉瓘李君裕 以上太

張穀文充冠尊文 以上大
安年 陳衡甫康秉儉 以上

年 馬恭回李石 與韓昉並
見金史 劉正韓昉 以上乾
王

聳 天慶年 李寶信李球 二人耶律
淳時狀元 此見於史者也

又張昱張人紀馮立 見後劉霄 見元遺山集及癸
辛雜識咸雍十年

及第當卽金史劉彥宗之父官
中京留守此可補正史之闕 邊貫道 見中州

人後遷雲中狀元輔臣年代無考
非太平七年卽重熙十九年矣 不見於史茲

因倍詳載之

張昱 韓欒

聖宗太平

日下舊聞
作開泰誤

五年九月駐蹕南京十一月幸

內果園宴京民聚觀求進士得七十二人命賦詩第

其工拙以張昱等一十四人爲太子校書郎韓樂

日下

舊聞誤分爲
亦士兩字

等五十八人爲崇文館校書郎

百官志
作太子

校書郎
韓樂

燕民以年穀豐熟車駕臨幸爭以土物來獻

上禮高年惠鰥寡賜酺飲至夕六街燈火如晝土庶

嬉遊上亦微行觀之史

張人紀

趙睦

太平九年十一月皇城進士張人紀趙睦

一作睦

等二

十二人入朝試以詩賦皆賜第

史

耶律韓留

韓留字速寧有明識篤行義工爲詩重熙四年召爲北面林牙奉詔進述懷詩上嘉歎方將大用遽卒

史

蕭鐸盧幹

鐸盧幹字撒板幼警悟異常兒及長好學善屬文有才幹年三十始仕爲朝野推重乙辛誣以罪謫戍西北部在戍十餘年太子事稍直始得還鄉里屏居謝人事一日臨流聞雉鳴三復孔子時哉語作古詩三

章見志當時名士稱其高情雅韻不減古人卒贈節

度使

史

耶律陳家奴

陳家奴字綿辛重熙中太后生辰進詩獻馴鹿太后
嘉獎賜珠二琲雜綵二百段清寧初帝與燕國王射
鹿俱中王時年九歲帝悅陳家奴應制進詩帝喜解
衣以賜官至節度使

史

劉三嘏

第六符

劉慎行河間人仕遼官至北府宰相遼既有幽薊及

雁門以北亦開舉選以收士人慎行子一德二元三
嘏四端五常六符三嘏四端六符並第進士三嘏四
端又皆尚主三嘏嘗獻一矢斃雙鹿賦聖宗嘉其贍
麗後與主不諧携嬖妾挈一子投宋廣信軍情詞悲
切自言主兇狠必欲殺其妾與子故歸朝廷頗詢其
國中機事復爲詩自陳云雖慚涪勺赴滄溟仰詎丹
衷不爲名寅分星辰將降割兌方疆寓卽交兵春秋
大義惟觀學王者雄師但有征救得燕民歸舊主免
於通問自稱兄宋以誓約旣久恐開邊隙遼屢移文

求索期於必得定帥乃遣人拘送比至幽州其妻已
先在矣殺其妾與子械送三嘏以其舅弟皆方委任

遂貸死監錮之

儒林公議

六符使宋宋仁宗賜以扇飛白書八字曰南北兩朝

永通和好會六符知貢舉乃以兩朝永通和好為賦

題而以宋朝皇帝御書飛白為韻

老學庵筆記

六符有志

操能文官至三司使

史契丹國志聖宗發矢連殪二虎又會一箭貫三鹿時幽州

試舉人以一箭貫三鹿為賦題三嘏獻射二虎頌

李儼

宋紹聖中蔡京館遼使李儼益泛使者留館頗久一日儼方飲忽持盤中杏曰來未開花如今多幸京卽舉梨謂之曰去雖葉落未可輕離

老學庵筆記

案儼當卽道宗朝宰相也杏梨借字與劉沆

見中

山詩所對借用繩笛者正同蓋一時風尙如此

王師儒

蘇轍代軾爲翰林學士尋權吏部尙書使遼館客者侍讀學士王師儒能誦洵軾之文及轍荅軾賦恨不

得見全集

宋史 灑水燕談錄張芸叟使遼宿幽州館中有題蘇子瞻老人行者聞范陽書肆

刻子瞻詩數十
篇謂之大蘇集

北人謂住坐處曰捺鉢遼有四時捺鉢不曉其
義近者彼國中書舍人王師儒來余充接伴使
因舉以問師儒答云是契丹家語猶言行在也
龐元英文是雜錄叅陳古靈雜錄案此則
師儒嘗使於宋陳襄龐元英同爲館伴

耶律谷欲

谷欲字休堅冲澹有禮法工文章官至南院大王興

宗命爲詩友卒年九十

史

耶律良

良字習燃讀書盤巫閭山學既博入南山肄業留數
年而歸重熙中修起居注會獵秋山良進秋遊賦上
嘉之清寧中上幸鴨子河作捕魚賦由是恩遇稍隆
遷知制誥奏請編御製詩文目曰清寧集上命良詩
爲慶會集親製其序官至知中京留守事追封遼西
郡王諡忠成史

馮立 趙徽

重熙五年興宗幸南京以日射三十六熊賦幸燕詩
試進士賜馮立

續通鑑長編宗真數變服入酒肆佛
寺道觀王綱姚景照馮立輩遇之於

徽行後皆任顯官趙徽等四十九人第以立爲右輔闕徽以

下口爲太子中舍賜緋衣銀魚遂大宴御賜進士自此始史

徽南京人擢甲科官至同知樞密院事兼南府宰相卒贈中書令諡文憲史

王鼎

鼎字虛中涿州人幼好學居太寧山數年博通經史時馬唐俊有文名燕薊間適上巳與同志祓禊水濱酌酒賦詩鼎偶造席唐俊見鼎朴野置下座欲以詩

困之先出所作索賦鼎援筆立成唐俊驚其敏妙因

與定交

史

清寧五年鼎擢進士第累遷觀書殿學士坐下吏杖
黜奪官流鎮州居數歲有赦鼎獨不免會守臣召鼎
爲賀表因以詩貽使者有誰知天南露獨不到孤寒
之向上聞而憐之卽召還復其職

全上

道宗本紀清寧八年放進士王鼎等九十三人

據此則五年爲誤否則豈有兩王鼎耶

周長發
遼史考

證

案焚椒錄題鼎所著疑是依托者崑山徐尙書
健庵并疑葉志爲僞矣 京西戒壇寺尊勝陀
羅尼幢并記王鼎撰正書太康元年七月又冀
州馬鞍山故壇主守司空太師遺行碑王鼎撰
正書大安七年閏八月案遼史閏八月丁巳宋
同

馬堯俊

元豐三年十二月一日高麗正徽生辰遼遣起居郎
知制誥馬堯俊充使留仙賓館堯俊獻徽詩云始從

鉤裂海東天世世英雄稟自然掌上寶符鈐造化胸
中神劍畫山川太宗莫取龍州道煬帝難乘鴨綠船
真是金輪長理國豈論八萬四千年徽以錦綉八百

匹爲謝云

文昌
雜錄

王仲淵

龐元英奉使於遼過順州有黍谷坊伴副使王仲淵
指以謂副使文供備云觀此可知其寒也劉向別傳
曰燕地谷美而寒不生五穀鄒子吹律召溫氣至五
穀生至今名黍谷遼之士子多燕人故亦頗知學問

也
文昌
雜錄

耶律孟簡

孟簡字復易性穎悟六歲父劉家奴晨出獵俾賦曉
天星日詩孟簡應聲而成父大奇之既長善屬文史
乙辛啣孟簡謫巡磁窯關時雖以讒見逐不形辭色
過赴泉勝地終日忘歸明年流保州及聞皇太子被
害不勝哀痛以詩傷之作放懷詩二十首自序云禽
獸有哀樂之聲螻蟻有動靜之形在物猶然况於人
乎然賢達哀樂不在窮通禍福之閒易曰樂天知命

故不憂是以顏回簞瓢自得此知命而樂者也今雖
流放以道自安又何疑耶太康中始歸鄉里官至節
度使全上 續文獻通考遼三臣行事孟簡著三臣
謂耶律曷魯屋質休哥 金陵黃氏書見七賢
傳取遼世名流七人
爲之耶律吼其一也

耶律儼

儼字若思析津人本姓李儼儀容秀整經籍一覽成
誦好學有詩名登咸雍進士第官至知樞密院事封
漆水郡王薨諡忠懿史

蕭蒲离不

蒲離不字按嬾魏國王惠四世孫父母蚤喪鞠於祖
年十三遭祖喪哀毀踰禮嘗謂人曰我於親不得終
養今誰爲訓者苟不自勉何以報鞠育恩自是力學
於文藝無不精游獵山水累徵皆以疾辭晚年謝絕
人事卜居抹古山潛心佛書無疾而逝

史

案蒲離不見史卓行傳文藝無不精則亦必能
詩矣卓行傳尚有蕭札刺字虛輦官節度使以
疾求退入頡山杜門不出耶律資忠重之目曰
頡山老人耶律官奴字奚隱沉厚多學以疾去

官與歐里部人蕭哇友善時稱二逸三人皆隱

者也

麟幾雜志予奉迓遼賀正使於雄州介曰唐中和自作借職割俸錢與弟請至今四

十年士大夫恐罕能如此

許鋌武清縣志遼

邑人張潛精於易不樂仕進安貧樂道鄉里稱

其賢有餽以瓜田

者辭不受卒於家

成堯錫

韓襄客者漢南女子爲歌詩知名襄漢閒孟浩然贈詩曰只爲陽臺夢裏狂降來教作神仙客襄客閨愁詩曰連理枝前同設誓丁香花下共論心先公熙寧中迓遼使成堯錫見遺衣服刺此聯於裏吐上其下

復刺丁香連理男女設誓之狀遼人重此句以爲佳

製

蔡寬夫詩史

馬希白

咸雍六年九月幸藕絲淀以馬希白詩才敏妙十吏

書不能給召試之

史

孟初

高麗肅宗明孝王七年

天祐統二年

遣中書舍人孟初

來賀生辰兵部員外郎金緣爲館伴初見其年少頗
易之一日並轡出郊雷始霽初唱云馬蹄踏雪乾雷

動緣卽對曰旗尾翻風烈火飛初愕然曰真天才也
由是情好日篤相唱和及別解金帶贈之

東國史畧

南抃

抃官少府少監知秘書少監

盤山甘泉普濟寺嚴慧大師塔碑

乾統

二年五月立未詳書人

銘云塋有地葬有時全而歸之曰嚴慧

師師哉師哉勤幹有立勉諸後學無怠承襲

盤山志

案抃冀州人尙有感化寺碑乾統七年立未稱

陽南漁抃撰文沙門肅回書

王白

王白冀州人明天文善卜筮晉司天少監太宗入汴
得之官節度使撰百中歌行於世

史 連江陳氏書
目直魯古針炙脉

訣書

一卷

案百中歌當是卜筮書也

星家亦有
百中經

卜筮之辭

多川音和以便人玩誦故附詩類

耶律純

耶律純星命秘訣四卷

金陵黃氏書目

純於政和二年使高

麗傳其國禪師星命之學自序云源髓老人得之於

元齋元齋得之於海上異人有高麗國師賦其步天

警句有云得富非難得壽難壽星須把令星看令星
若是逢生旺壽算巍巍等泰山且說夫星是尅星高
強必是聘賢人若居父母并兄弟端的因親上致親
亦詩之流也

卯律經上
星命秘訣

左企弓

企弓字君財薊人讀書通左氏春秋天祚時宰相降
金復舊職守太傅中書令金人既定燕欲從宋割地
初約契丹故大臣皆言南朝自來畏怯又見劉延慶
敗走企弓因獻詩曰君王莫聽捐燕議一寸山河一

寸金金主初不聽卒畀宋然陰有敗盟之意矣

金史參茅

齋自序

案企弓在遼臣節不終但仕金日淺姑載於此

馬賢良

宣和四年十月郭藥師等以常勝軍入燕城時有燕人馬賢良者獻詩云聞說將軍曉入燕滿城和氣接堯天油然黷黷三千士雨洗兵戈二百年

封氏編年

案賢良不詳顛末僅見此詩又劉延慶之敗燕

人作賦及歌詠之

宋史

今亦無傳

王樞

樞字子慎良鄉人遼日登科後仕金爲直史館嘗有
三河道中詩云十載歸來對故山山光依舊白雲閒
不須更讀元通偈始信人閒是夢閒

中州集

虞仲文

仲文字質夫世南之裔武州寧遠人仕爲遼相歸金
授樞密使平章政事封秦國公四歲作詩賦煎餅有
魚目蟬聲之句人以神童目之

金史七歲知作詩十歲能屬文日記千言

刻苦
學問
雪花詩

四歲作

云瓊英與玉藥片片落前池問著

花來處東君也不知

中州集

仲文善畫人馬墨竹學文

湖州

圖繪寶鑑

案王內翰虞令公並見野史亭選本以其本遼人載之况四歲之作乃遼時所作乎

張通古

通古字樂之易州易縣人讀書過目不忘該綜經史善屬文遼天慶二年進士第補樞密院令史丁父憂起復懇辭不獲因遁去金割燕京與宋宋人欲收人望召之通古辭謝隱居太寧山下後仕金至平章政

事封鄆王正隆初以司徒致仕封曹王卒年六十九
金其靈壁寺詩云萬壑千巖裏林開一徑深數年勞
想望此日快登臨勝境情難盡危塗力不任樓臺相
映抱松柏自蕭森花散諸天雨燈傳古佛心鶴泉寒
漱玉園地舊鋪金石磴崎嶇上桃谿窈窕尋淵明能
止酒叔夜况攜琴所恨無長暇徒勤惜寸陰清宵誰
我伴乘興但孤斟

全金詩

劉霄

東坡與遼使劉霄

案卽威雍十年狀元

會食霄誦坡詩云痛飲

從今有幾日西軒月色夜來新公豈不飲者耶

東坡題跋

時立愛

大觀四年郭隨使遼舉少陵詩黃羊飫不羶以問遼使時立愛立愛云黃羊野物可獵取食之不羶

杜詩注

關右塞上有黃羊無角色類麋鹿人取其皮以爲裘

褥

雜助編

立愛字昌壽涿州新城人太康九年進士第

官遼興軍節度使降金爲侍中知樞密院事加

中書令封鄭國公

金史

立愛父承諫

金史作承諫誤

墓在

新城縣東北二里本遼人金贈鎮東節度使兼
侍中李晏立愛墓誌曰父諱承諫積累巨萬發
倉貸人每折其券負郭沮洳常阻行路創石爲
梁人得平步善慶攸鍾是生我公

新城縣志

魏道明

雷溪子鼎新詩話遼易縣魏道明著舉進士累官安

國軍節度使

續通考

道明遊佛巖寺詩云虎谷西垠北口南橫橋過盡見
松庵舊遊新夢猶能記般若真如得遍叅霜圃擷蔬

充早供石泉煮茗薦餘甘殘年便擬依僧住過眼空

花久已諳

全金詩

退食絕句云竿頭犢鼻清貧在夢裏

槐安舊習空退食歸來慵無事水邊長嘯看晴虹

全上

春興云燕來燕去烏衣巷花落花開穀雨天中秋云

丹桂知經幾寒暑冰壺別是一山川高麗館偏涼

一作

梁亭云碧海半灣蝸角國春風十里鴨頭波

中州集

案中州集云道明父遼天慶中登科仕金爲兵

部郎中子上達元貞元化元道

即道明字

俱第進士

皆有詩學元道最知名暮年居雷溪自號雷溪

子有鼎新詩話行於世又案遺山自撰集引云
商右司平叔嘗手抄國朝百家詩畧云是魏邢
州元道所集平叔爲附益之據此則道明之父
入金尙在道明手輯金詩雖或生於遼時而不
可謂之遼人明矣然觀鼎新之名似述遼事况
洪洲博物君子定著爲遼或別有據也姑存俟
考

張孝傑

孝傑建州永霸縣人家貧好學重熙二十四年擢進

士第一道宗時封陳國公爲北府宰相賜國姓漢人
貴幸無比秋獵帝一日射鹿三十燕從官酒酣命賦
雲上於天詩詔孝傑坐御榻傍上誦黍離詩孝傑奏
曰今天下太平陛下何憂字有四海陛下何求帝大

悅史

案孝傑諂附乙辛謀害儲貳禍及忠良蓋小人
之尤者卽其奏對之辭可云佞矣系於後以示

戒

趙良嗣

良嗣本燕人馬植世爲遼國大族仕至光祿卿行汚而不齒於人宋政和初童貫使遼因與俱歸易姓名薦諸朝獻結金滅遼之策宣和二年以右文殿修撰假朝奉大夫由登州泛海使金援祖宗朝故事買馬爲名因議夾攻遼人取燕薊雲朔等舊漢州復歸於宋四月與金主相見於龍崗致議約之意金主許之復同入上京看遼大內居室相與上馬並轡由西偏門入並乘馬過五轡一作盤宣政等殿遂置酒於延和樓良嗣有詩云建國舊碑明月暗興王故地野風乾

回頭笑向

一作謂

王公子

句法木歐陽公奉使契丹面出上京馬上作云紫貂裘煖

朔風輕潢水冰光射日明笑語同來向公子馬頭今日向南行

騎馬隨軍上五巒於

是定議歲輸五十萬約宋兵自雄州趨白溝夾攻王

子指王瓌北遼遺事

良嗣既降頗自言能文閒以詩篇進後坐誅其

自所爲集凡數十卷時人皆唾棄不視蕩燬無

收拾者余讀北遼遺事見趙良嗣與王瓌使金

隨金攻遼上京城破有詩

云

五巒

上京殿名阿保機故

巢卽會寧乃契丹所謂西樓者實耶律氏之咸

鎬豐沛良嗣世仕其國身踐其朝貴為九卿一
旦決去視宗國顛覆殊無禾黍之悲反吟詩以
志喜其為人從可知也縱有名篇正亦不足錄

况僅止爾耶

程史

案徽欽北轅之禍雖當時君臣失道而亦由良
嗣速之夤緣媼相巧佞孔壬迺遼人之最足垂
戒者詩俚俗無足觀特粗成句耳

宣和四年十一月金主見良嗣許割燕京薊景檀順
涿易六州二十四縣每歲要以所賂契丹銀絹良嗣

歸有喜色作詩云朔風吹雪下雞山燭暗穹廬夜色
寒聞道燕然好消息曉來驛騎報平安副使馬攢和
詩云未見燕銘勒故山耳聞殊議骨毛寒願君共事
烹身語易取皇家萬世安擴見良嗣安生邊釁預知
金將收盟故和詩隱寓諷之之意

茅齋
自叙

童貫蔡攸歸以詹度權大帥府度作平燕詩送
貫曰長亭春色送英雄滿目江山映日紅劍戟
夜搖楊柳月旌旗曉拂杏花風行時已決安邊
策到後須成濟世功爲報燕山諸將吏太平只

在笑譚中

日下舊聞

案度昧於事機作詩媚媼相未免馬

副使齒冷也

邢簡妻陳氏 子抱朴抱質

陳氏營

一作應

州人父陞五代時官司徒陳氏甫笄涉

通經義凡覽詩賦輒能誦尤好吟咏時以女秀才名
之年二十歸於簡孝舅姑親黨推重有六子親教以
經後二子抱朴抱質皆以賢位宰相卒贈魯國夫人

史

大同府志一經樓在應州城內陳夫人教子讀書處

抱朴性穎悟好學博古保寧初爲政事舍人知制誥

累遷翰林學士承旨與室昉同修實錄改南院樞密使抱朴與弟抱質受經於母皆以儒術顯抱質亦官至侍中時人榮之

全上

耶律氏

耶律氏太師適魯之妹小字常哥幼秀爽有成人風及長操行修潔自誓不嫁能詩文不苟作咸雍間作文以述時政上稱善耶律乙辛愛其才屢求詩常哥遺以回文乙辛知其諷已啣之太康三年皇太子坐事乙辛誣以罪按無迹獲免及太子被害不勝哀痛

年七十卒於家

史

燕軍士妻

紹興辛巳米忠信夜於淮南劫寨得一箱篋乃是燕
山來者附書十餘封多是軍士妻寄夫者內一紙別
無他語止詩一首云垂楊傳語山丹你到江南艱難
你那裏討箇南婆我這裏嫁箇契丹

軒渠錄